

2013/1917-5

Særavtale til tenesteavtale 8
mellom
Helse Fonna HF
og
Kvinnherad Kommune
om kjøp av
beredskap for følgjeteneste ved svangerskap og fødsel

Innhold

1. Partar.....	3
2. Bakgrunn og formål	3
3. Virkeområdet.....	3
4. Ansvar	3
5. Organisering av beredskap og føljeteneste.....	4
1) Beredskap og føljeteneste	4
2) Kvinnherad kommune sitt ansvar	4
3) Helse Fonnas ansvar	4
4) Fagleg innhald/omfang.....	4
6. Hospitering.....	5
7. Kvalitetsindikatorar, internkontroll og avviksbehandling	5
8. Informasjon og kommunikasjon.....	5
9. Økonomi og andre tilhøve.....	6
10. Iverksetjing, revisjon og oppfølging.....	6
11. Avvik.....	6
12. Evaluering av tilbudet	7

1. Partar

Avtalen er inngått mellom Helse Fonna HF og Kvinnherad kommune.

2. Bakgrunn og formål

Avtalen er heimla i helse- og omsorgstenestelova § 6-1 og § 6-2, pkt 8 «samarbeid om jordmortenester» og spesialisthelsetenestelova § 2-1e, 2. ledd «De regionale helseføretakene skal sørge for at det inngås samarbeidsavtaler som nevnt i helse- og omsorgstenesteloven § 6-1»

Avtalen er og heimla i tenesteavtale 8 «avtale om svangerskaps-, fødsels, og barselteneste for gravide og fødande.

Ansaret for føljeteneste og naudsynt beredskap for gravide og fødande i opptaksområdet vart overført til Helseføretaket frå 01.01.10

Avtalen skal sikra ei god teneste for brukarane og skapa tryggleik for dei fødande som har over 1,5 timars reiseveg til fødeinstitusjonen.

3. Virkeområdet

Avtalen gjelder beredskaps- og føljetenesta med partane sitt ansvar for ei heilskapleg svangerskaps-, - fødsels- og barselomsorg.

Avtalen regulerer finansiering, tilsetjings- og arbeidsgjevaret for jordmor som inngår i beredskapsordninga, og for organisering av tenesta, jf. tenesteavtale 8 pkt. 4.

Føljeteneste vil si at den gravide/fødande blir vurdert av kvalifisert helsepersonell og får følge til fødeinstitusjonen, når det er vurdert som nødvendig.

Beredskap i samanheng med føljetenesta er ein forsvarleg organisert vaktberedskap med jordmor for å gi assistanse i forbindelse med fødsel.

Denne avtalen opphevar alle tidlegare avtaler om økonomisk oppgjør for føljetenesta.

4. Ansvar

Kommunen har ansvar for svangerskapsomsorg og oppfølging etter fødsel (etter utskriving frå sjukehus). Helseføretaket har ansvar for tilbodet i samband med fødsel og følgjeteneste, inklusive beredskap. Partanes ansvar er nærmare regulert i tenesteavtale 8 pkt. 4.1-4.2.

5. Organisering av beredskap og føljeteneste

1) Beredskap og føljeteneste

Helse Fonna HF kjøper vaktberedskap (passiv) for jordmor med føljeteneste frå Kvinnherad kommune.

2) Kvinnherad kommune sitt ansvar

Kvinnherad kommune har ansvaret for vaktberedskap (passiv) for jordmor til føljeteneste. Ordninga skal organiserast og driftast gjennom regulerte og føreseielege beredskapsordningar.

Prosedyrar og retningsliner frå helseføretaket, skal inngå som ein del av Kvinnherad kommune sine interne kontrollrutinar for verksemda.

Kommunen har ansvaret for at føljetenesta med vaktberedskap er omfattar personell med tilstrekkeleg kompetanse innan fødselshjelp.

Beredskap for føljetenesta vert basert på jordmødre tilsett i Kvinnherad kommune. Kommunane har tilsetjings- og arbeidsgjevaransvar for jordmødre som inngår i beredskapen.

Ferie/fri periodar skal samordnast slik at kommunen til ei kvar tid har kontinuitet i beredskapstenesta. Kommunen er ansvarleg for vikar ved fråvær.

3) Helse Fonnas ansvar

Helse Fonna HF finansierer beredskap for føljetenesta, og utarbeider nødvendige prosedyrer for verksemda som skal inngå i Kvinnherad kommune sine interne kontrollrutinar.

Helse Fonna HF skal leggja til rette for opplæring og hospitering for personell som er involvert i føljetenesta.

4) Fagleg innhald/omfang

Beredskaps- og føljetenesta skal til ein kvar tid utførast i samsvar med gjeldande lovverk og nasjonale retningsliner, regional plan for svangerskaps-, fødsel og barselomsorga i Helse Vest og områdeplan for svangerskaps-, fødsel og barselomsorga i Helse Fonna.

6. Hospitering

Dei jordmødrene som tek del i følgjetenesta for gravide, har ei utvida hospiteringsordning

Helseføretaket og jordmortenesta i samarbeid legg plan for at jordmor som har følgjeteneste skal hospitere på sjukehus 5 dagar i året. Fødeeininga legg til rette for ei slik hospitering, samtidig som det inngår som ein del av kommunejordmortenesta. Det er forventa at jordmor med følgjeteneste deltek på fagdagar som helseføretaket arrangerer.

Kommunane og føretaket helder oversikt over gjennomførte kompetansehevande kurs, tiltak og trening.

7. Kvalitetsindikatorar, internkontroll og avviksbehandling

Kommunane skal føre oversikt, og rapportere statistikk til Helse Fonna på følgjande område:

- Tal og del gravide med behov for konsultasjon og vurdering utanom kontortid
- Tal og del fødande som har fått vurdering av jordmor eller lege før reise til fødestad med følgje.
- Tal og del transportfødslar med eller utan kvalifisert assistanse.

System for kvalitet og handtering av avvik er regulert i tenesteavtale 8 mellom kommunen og føretaket.

8. Informasjon og kommunikasjon

Partane har ansvaret for at innhaldet av avtalen vert kjend i eigen organisasjon.

Helseføretaket skal sørgje for at avtalens innhald er kjend i dei relevante avdelingar, og hos AMK sentralen.

Kommunen har ansvaret for å gi den gravide informasjon om ordninga. Det skal dokumenterast at slik informasjon er gitt.

Partane skal involvera kvarandre i endringar i rutinar og organisering som kan ha innverknad på dei områda avtalen gjeld for.

Den som til ein kvar tid har ansvaret for behandling av pasienten, har ansvaret for at nødvendig samtykke til informasjonsoverføring gis.

9. Økonomi og andre tilhøve

Helse Fonna HF finansierer vaktberedskap(passiv) for jordmor i Kvinnherad kommune.

Beredskapskostnaden utgjør kr 688 798,80 - pr år, som Helse Fonna skal refundere kommunen kvartalsvis. Beløpet inneholder tillegg for laurdag/søndag, kveld/natt og tillegg for heilagdagar. Kostnader til beredskap skal justerast årleg, fyste gong i 2014. Lønsoppgjøret som gjeld er KS området.

Utrykking på vakt vert utbetalt i tillegg til vaktberedskap og uansett om det skjer på dagtid eller etter arbeidstid. Kommunen betaler jordmor som følgjer den fødande til sjukehus fortløpande, og sender faktura etter gjeldande takstar til Helse Fonna HF kvart kvartal.

10. Iverksetjing, revisjon og oppseiling

Særavtalen er gjeldande frå 01.01.2013

Revisjon av særavtalen skal følgje revisjon av tenesteavtale 8.

Begge parter kan krevje avtalen revidert med tre månaders varsel dersom vesentlege føresetnader for avtalen blir endra.

Avtalen skal gjelde for følgjeteneste og beredskap for gravide og fødande med dei presiseringane som følgjer av denne særavtalen. Dersom det oppstår motstrid mellom særavtalen og tenesteavtale 8, har tenesteavtale 8 forrang.

11. Avvik

Avvik skal handterast i verksemdene sine avvikssystem. Dersom avviket dreiar seg om brot på særavtalen, skal det formidlast til den andre parten. Partane skal gje kvarandre tilbakemelding om korleis avviket er handsama, jf. overordna samarbeidsavtale.

12.Evaluering av tilbodet

Partane skal evaluere tilbodet og kontrollere at det er i tråd med føringar og særavtalen.


Partane skal saman finne gode indikatorar som vil måle m.a. om tilbodet blir nytta rett.

Tilbodet skal evaluerast første gong 01.07.2014.

Særavtalen skal signerast i to eksemplar, og partane beheld kvar sitt.

Dato, 1/8-2013
Rosundal

For Kvinnherad kommune



Dato, 1/8-2013

For Helse Fonna HF



Olav Klaußen
Administrerende direktør
Helse Fonna HF